



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Arsacij post Ioannem ordinatione, & Cyrino Chalsidonensi episcopo.  
Cap. XVII.

**urn:nbn:de:hbz:466:1-12704**

## SOCRAT. HISTOR.

quod duobus conciliis erat condemnatus. Proinde Ioannes ab ecclesiastico munere deinceps vacuit, neque ecclesiam adiit. Quam ob causam omnes, qui illi fauebant, acutum ab ecclesia egressi, festum Paschatis in balneis publicis, quae Constantianae nuncupantur, celebrant; atq; vna cū illis multi episcopi, presbyteri, alijque sacris ordinibus initiati. Qui ex illo tempore, quoniam separatim in varijs locis conuentus agebant, Ioannitae appellati sunt. Ioannes ad spatium duorum mensium non vñquam prodiit in publicum donec Imperatoris mādato esset in exilium abductus. Tum ab ecclesia abstractus, patriæ finibus pulsus est. Eodem die quidam ex Ioannitis ecclesiam incenderunt. Qua quidem incensa, ventus subsolanus grauiter spirans, flammarum præcipitauit in Curiam, sicq; ea quoque conflagravit. Hoc factum est, 12. Calend. Iulij, ad sextum Consulatum Honorij, quem cum Aristæneto gessit. Quibus autem incommodis Optatus urbis Constantinopolis præfectus, religionis professione Gétilis, & propterea Christianis infestus, Ioannis amicos affecerit, & quam grauia supplicia compluribus illorum irrogarit, silentio prætereundum censeo.

*De Arsaci post Ioannem ordinatione, & Cyrino Chalcidonensi episcopo. CAP. XVII.*

**P**AUCIS interpositis diebus, Arsacius, frater Nectarij, qui ante Ioannem præclarè admodum episcopatū Constantinopolis administrauerat, iam ætate valde ingrauescente (amplius enim octoginta annos confecerat) illius urbis episcopus ordinatus est. Quo quidem propter incredibilem suam mansuetudinem episcopatum pacatè trāquilleq; procurante, Cyrius episcopus Chalcedonis, cuius pedem Maruthas, Mesopotamiæ episcopus premendo vestigio inuitus læserat, adeo male eo infortunio affectus affetusq; fuit, vt pes eius putresceret, & propterea necessitate adductus, eum à corpore abscondideret. Neque sectionem semel passus est, sed sèpius. Nam mali contagio per vniuersum corpus serpuit, adeò vt alter pes ea infectus, similiter amputaretur. Huius rei propterea feci mentionem, quod erat multis in ore Cyrinum ista perpeßum, quod Ioannem contumacē, vt à me dictum est ante,

est ante, sepius vocauerat. Porrò cum grando magnitudine inusitata in Suburbiis Constantinopolis forte decideret (accidit hoc quidem Prid. Calend. Octobris eisdem Cos. quos paulò ante citauit) percrebuit sermo istud; Deo irato propter Ioannem indicta causa abdicatum, contigisse. Huc sermonem Imperatoris mors, quæ illico insecura est, vehementer auxit. Nam quatriduo post delapsam grandinem, è vita decepsit. Erant alii, qui dicebant Ioannem meritò propere abdicatum, quod quādo Ephesum, quo Heraclidem Episcopum designaret, iter faciebat, tum Nouatianis, tum illis qui Pascha ad decimum quartum diem mēsis primi celebrant, tum aliis nonnullis in Asia & Lydia multas ecclesiias ademerat. Verūm vtrum iusta fuerit Ioannis abdicatio, ut illi prædicabant, quorum animos offendisset, vtrūm Cyrius debitas conuictiorum pœnas dederit, vtrum denique propter Ioannem tum grando deciderit, tum Imperatrix morte occubuerit, an hæc non ob istas, sed alias ob causas, an ob vtrasque Deus ipse viderit, qui occulta intelligit, quiq[ue] de ipsa veritate iustus iudex est. Ego ea, quæ tum crebro hominum sermone ferebantur, literis prodidi.

*Quod post Arsacium Atticus in Constantinopolitano throno collocatur.*

CAP. XVIII.

Arsacius non diu illum gessit Episcopatum, nam sequenti anno, ad secundum consulatum Stelichonis, Anthenij autem primum, tertio Idus Novemb. mortem obiit. Cum autem de Episcopo deligendo à multis vehementer laboratum esset, & ob eam causam multum temporis præteriret, proximo anno, Arcadio iam Sextum Cos. & Probo primum, Atticus, vir pietate eximius, ex Sebastia Armeniæ oriundus, monasticum vitæ genus ab ineunte adolescentia excolens, doctrina sane mediocri, sed prudentia naturaliter insita magis Valens, Episcopus Constantopolitanus creatus est. Sed de eo plura commemorabo pauculo post.

*De Ioannis, dum in exilio ageret ad dominum migratione* CAP. XIX.

x

Ioannes